

无上秘要卷之二十三

舊三

真靈治所品

五老上真人治於玉清天中玉根山
三天神王治於太清天中浮絕空山之上
真晨仙君治於元虛皇房

四斗七晨道君治於玉清天中散華臺
九老仙皇處於扶桑之際治在九老京
大帝君治於扶桑之杪會方之臺
小有先生主圖玉君治於玉真天萬華宮
右出洞真大洞玉經

北方有句他羅之國外有玄洲四面是海上
有太玄都山仙伯真公治所
崑崙墟城是西王母治所
右出洞真外國放品經

上相青童君治在方諸清宮之內金殿瓊房
之裏

玉保王上相大司馬高晨師治在玉保清宮
東海青華小童治在玉華清宮

右出上清青要紫書經

太上无極虛皇大道君治在玉京山七寶樹

右出太上玉京山經

宮中有三太空即三官所治上三官太玄之
上玉虛太空之中中三官治上清太空下三
官治於太極太空九府在五嶽玄虛洞室之
中善惡罪罰莫不由於三官九府之司

右出洞真四極明科

高上玉晨大道君治於玄都九曲峻嶒鳳臺
結自然鳳炁以成瓊房處於九天之上玉京
之陽

右出洞真曲素訣辭經

太微中有三皇一帝一曰皇君二曰皇天三
曰皇老此即三元之炁混沌之真出入上清
太素太和之宮

右出洞真太微黃書經

綠那羅衛之國須彌靈飛人鳥之山元始天
玉所別治七寶室高臺陵天

右出洞玄隱注經

鬱單无量天王治化之天有无鞅玄臺紫房
之內

上上禪善无量壽天王所治之天有五園朱

林七寶瓊臺

須延天王所治之天有玉京靈都宮

寂然天王所治之天有朱宮瓊臺

不驕樂天王所治之天有无映丹房九層玉
臺

臺

化應聲天王所治之天有瓊林上宮朱映之
房

房

梵寶天王所治之天有南上七映之宮

梵摩迦夷天王所治之天有九玄鳳城紫瓊
玉臺

玉臺

波黎答怒天王所治之天有峻嶒玉京大有
妙宮九曲之房

妙宮九曲之房

九天丈人治於鬱單无量天

九天真王治於无量天

元始天王治於上監天

元始先生治於兜術天

高上元皇治於不驕樂天

虛皇玉帝治於化應聲天

萬始先生治在梵寶天

紫虛帝君治於梵摩迦夷天

太真王治在波黎答怒天
右出洞真太霄琅書經

正一炁治品

太上漢安二年正月七日中時下二十四
治上八中八下八應天二十四炁合二十八

宿付天師張道陵奉行布化

上皇元年七月七日无上天道老君所立上

品治八品

陽平治上應角宿治在蜀郡界

鹿堂治上應亢宿治在上。有仙臺古人度世

之處

昔永壽元年太上老君將張天師於此治與
四鎮太歲大將軍川廟百鬼共折石為約皆
從正一盟威之道亦在蜀郡界

鶴鳴山治上應辰宿其山與青城天固山相

連亦言尹先生主之亦在蜀郡界

漓沅山治上應房宿與鹿堂山相連上有蜀

郡界

葛瓚山治上應心宿與漓沅山相連上有相
栗山亦在蜀郡界

更除治上應尾宿治山去平地三百九十尺
時有仙人往來可以度厄養性昔張力士得
道之處山有二石室三龍頭在廣漢界
秦中治上應箕宿其山昔韓衆於其上得仙
在廣漢郡界

真多治上應斗宿其山高二百八十丈上有
芝草神藥亦在廣漢郡界

无極元年十月五日正真无極太上立中治

八品
昌利治上應牛宿昔李八百初學道處遊行

蜀中諸名山常日日出戲於成都市暮宿於
青城山其山南有一石室前三龍門亦在
於廣漢郡界

隸上治上應女宿昔李季子先生學道飛仙在
此山有二石室有一神泉白鹿白鳩白鵠時
來飲之亦在廣漢郡界

涌泉治上應虛宿昔馬明生學道得仙太上
老君至此化形往此治上有泉水治萬民疾
病无不際愈時世之人遂傳為呪水治在遂
寧郡界

稠稷治上應危宿治去波山江水九里山高
去平地一千七百丈昔軒轅黃帝學道之處
也其治左右皆連山岡相續其山西北有沫
江水山亦有芝草神藥在犍為郡界
北平治上應室宿山上有池山縱廣二百步
中有芝草神藥昔王子喬得仙之處亦在犍
為郡界

本竹治上應壁宿山高一千三百丈上有一
水有香林在治北有龍穴地道通峨嵋山昔
郭子得道之處亦在犍為郡界

蒙秦治上應奎宿山高一千丈昔伊尹於此
山學道上有芝英金液草服之得度世在越
雋郡界

平蓋治上應婁宿前山下有五尺長一丈三
尺昔吳郡崔孝通於此山學道遂得飛仙亦
在犍為郡界

无極上皇二年正月七日无為道君玄老立
下治八品

雲臺治上應胃宿昔張天師將諸弟子三百
七十八人住山治上教化二年白日昇天其後

雲臺治上應胃宿昔張天師將諸弟子三百
七十八人住山治上教化二年白日昇天其後

一年天師夫人復昇天此即趙昇取桃之處是也在巴西郡界

瀘口治上應昂宿昔陳安世於此山學道得仙山一名平元山在漢中郡界

後城治上應畢宿昔夏子然於此山上學道得仙一名黃陵山在漢中郡界

公慕治上應觜宿蘇子玉於此山學道得仙一名北逢仙山在漢中郡界

平剛治上應參宿昔李阿於此山學道得仙在犍為郡界

主簿治上應井宿昔王興於此山學道得仙一名秋長山在犍為郡界

玉局治上應鬼宿昔永壽元年正月七日太上老君乘白鹿張天師乘白鶴來此坐局脚玉牀即名玉局治在成都南門左

北印治上應柳宿昔務成子於此山學仙得道在京兆郡界

天師以漢安元年七月七日立二十四治付

詞師以備二十八宿剛互治在蘭武山以應星宿

白石治在玄極山以應張宿

具山治在飯陽山以應翼宿

鍾茂治在元東山以應軫宿

右已上四治並在洪陽郡界

詞師以建安二年十月五日天師所布立八

品配

瀟沅治在玄昌山

利里治在高掌山

平公治在中頭山

公慕治在身雉山

天台治在黃牛山

瀨鄉治在小世山

代元治在上黨山

係天師以太元二年正月七日所立八品遊

治

峨帽治在蜀郡界

青城治在蜀郡界

太華治在京兆郡界

黃金治在蜀郡界

慈母治在城山郡界

河逢治在上黨郡界

平都治在巴郡界

吉陽治在魏郡界

右出正一悉治圖

无上秘要卷之二十三